

大學章句大全

大舊音泰
今讀如字

子程子曰

新安陳氏曰程子上加子字做公羊傳註子沈子之例乃後學宗師

先儒之稱

大學孔氏之遺書而初學入德之門也

於今可見古人爲學次第者獨賴此篇之存而論孟次之學者必由是而學焉則庶乎其

不差矣

龜山楊氏曰大學一篇聖學之門戶其取道至徑故二程多令初學者讀之○朱子曰大學首尾貫通都無所疑

可及語孟又無所疑然後可及中庸○某要人先讀大學以定其規模次讀論語以立其根本次讀孟子以觀其發越次讀中庸以求古人之微妙○陳氏曰爲學次序自有其要

先民具其條理實群之綱領也次則論語以爲操存涵養之實又其次則孟子以爲體

大學章句大全

一

驗充廣之端三者既通然後會其極於中庸又曰大學規模廣大而本末不遠節目詳明而始終不紊學者所當最先講明者○新定都氏曰他書言平天下本於治國治國本於齊家齊家本於脩身者有矣言脩身本於正心者亦有矣若夫推正心之本於誠意誠意之本於致知致知之在於格物則他書未之言六籍之中惟此篇而已

大學之道在明明德在親民在止於至善

程子曰親當作新○大學者大人之學也明明之也明德者人之所得乎天而虛靈不昧

以具衆理而應萬事者也

朱子曰天地賦於人

與物受之者謂之性主於一身者謂之心有得於天而光明正大者謂之明德○問明德是性是性曰心與性自有分別靈底是心實底是性性便是那理心便是盛貯該載敷施